



Broj: 02-04-3-3574-1/24
Goražde, 29.11.2024.godine

Na osnovu člana 69. stav (2) tačka d) i člana 70. stav (4) Zakona o javnim nabavkama ("Službeni glasnik BiH" broj 39/14, 59/22, 50/24) u postupku javne nabavke – pregovarački postupak bez objave obavještenja za ustupanje radova na uređenju grada i prigradskih naselja Grada Goražde za 2024. godinu, Gradonačelnik Grada Goražda donosi:

O D L U K U

o poništenju postupka nabavke radova na uređenju grada i prigradskih naselja Grada Goražde za 2024. godinu – MZ Goražde I (lot 1)

Član 1.

Postupak nabavke radova na uređenju grada i prigradskih naselja Grada Goražda za 2024. godinu za Lot 1- Nabavka radova na uređenju grada i prigradskih naselja Grada Goražda za 2024. godinu – MZ Goražde I, **SE PONIŠTAVA.**

Postupak nabavke se poništava iz razloga što je Konačna ponuda ponuđača „Markan” d.o.o. Goražde koja je dostavljena za lot 1, ocjenjena kao neprihvatljiva za ugovorni organ.

Član 2.

Ova Odluka će se objaviti na web stranici Grada Goražda www.gorazde.ba sa istovremenim upućivanjem ponuđaču koji je učestvovao u ovom postupku javne nabavke..

O b r a z l o ž e n j e

Postupak nabavke je pokrenut Odlukom o pokretanju postupka javne nabavke broj 02-04-3-3574/24 od 02.10.2024. godine. Predmetna nabavka je podjeljena na sljedeće lot-ove:
Lot 1 - Radovi na uređenju grada i prigradskih naselja Grada Goražda za 2024. godinu – MZ Goražde I;
Lot 2 - Radovi na uređenju grada i prigradskih naselja Grada Goražda za 2024. godinu – MZ Goražde II;
Lot 3 – Radovi na uređenju grada i prigradskih naselja Grada Goražda za 2024. godinu – MZ Goražde III;
Lot 4 - Radovi na uređenju grada i prigradskih naselja Grada Goražda za 2024. godinu – MZ Goražde IV;
Lot 5 - Radovi na uređenju grada i prigradskih naselja Grada Goražda za 2024. godinu – MZ Vitkovići.

Javna nabavka se provodi putem pregovaračkog postupka bez objave obavještenja o javnoj nabavci. Procijenjena vrijednost nabavke bez uračunatog PDV-a iznosi 220.990,00 KM.

Postupak je pokrenut u skladu sa članom 21. tačka a) Zakona o javnim nabavkama obzirom da u predhodnom postupku javne nabavke koji je kod ugovornog organa identifikovan pod brojem 02-04-2-3037/24, ni za jedan od predviđenih pet lot-ova nije dostavljena nijedna prihvatljiva ponuda i da se uslovi za ugovor nisu bitno promijenili u odnosu na uslove iz predhodnog postupka.

Informacija o pregovaračkom postupku bez objave obavještenja o nabavci broj: 413-4-3-78-20-1/24 objavljena na portalu e-nabavke dana 04.10.2024. godine, zajedno sa tenderskom dokumentacijom u pogledu kvalifikacionih uslova kandidata.

U određenom roku za dostavljanje Zahtjeva za učešće, kandidat „Markan” d.o.o. Goražde dostavio je Zahtjev za učešće za lot 1, lot 3 i lot 4 zaprimljen na protokol ugovornog organa dana 15.10.2024. godine pod brojem 02-04-3-3848/24.

Otvaranje Zahtjeva za učešće izvršeno je na sastanku Komisije za provođenje postupka javne nabavke radova na uređenju grada i prigradskih naselja Grada Goražde za 2024. godinu imenovane Rješenjem Gradonačelnika Grada Goražda broj 02-04-3-3574/24 od 02.10.2024. godine. Komisija je izvršila uvid u Zahtjev za učešće te je utvrdila da je kandidat „Markan“ d.o.o. Goražde dostavio svu traženu dokumentaciju u skladu sa uslovima navedenim u tenderskoj dokumentaciji, te je u skladu sa navedenim Gradonačelnik Grada Goražde dana 18.10.2024. godine donio Odluku o rezultatima pretkvalifikacije u pregovaračkom postupku bez objave obavještenja o nabavci za nabavku radova na uređenju grada i prigradskih naselja Grada Goražda za 2024. godinu za lot 1, lot 3 i lot 4.

Nakon okončanja prve faze postupka ugovorni organ uputio je Poziv ponuđaču „Markan“ d.o.o. Goražde za dostavljanje početne ponude i pregovaranje za lot 1, lot 3 i lot 4.

Ponuđač „Markan“ d.o.o. Goražde dostavio je dana 24.10.2024. godine početnu ponudu protokolisanu pod brojem 02-04-3-3921/24.

Komisija za provođenje postupka nabavke je izvršila otvaranje početne ponude dana 24.10.2024. godine te je utvrdila da je cijena početne ponude za Lot 1 iznosi 31.460,32 KM bez uračunatog PDV-a, za lot 3 cijena početne ponude iznosi 91.632,83 KM bez uračunatog PDV-a, a za lot 4 cijena početne ponude bez uračunatog PDV-a iznosi 60.214,72 KM.

Nakon izvršenog otvaranja početnih ponuda pristupilo se pregovaranju sa predstavnikom ponuđača. Ponuđač „Markan“ d.o.o. Goražde je prilikom pregovora o svim bitnim aspektima ponuda za lot 1, lot 3 i lot 4 u svemu ostao kod svojih početnih ponuda i nije odobrio popust na cijene ponuda. Od strane ugovornog organa ponuđač je pozvan da do 30.10.2024. godine do 11:00 sati na protokol ugovornog organa dostavi svoje konačne ponude za nabavku radova na uređenju grada i prigradskih naselja za 2024. godinu za lot1, lot3 i lot 4.

Ponuđač „Markan“ d.o.o. Goražde je dana 30.10.2024. godine dostavio konačnu ponudu protokolisanu pod brojem 02-04-3-3975/24 sa ponuđenom cijenom za lot 1 u iznosu od 31.460,32 KM bez PDV-a, za lot 3 cijena konačne ponude bez PDV-a iznosi 91.632,83 KM, dok je za lot 4 cijena konačne ponude bez uračunatog PDV-a 60.214,72 KM.

Komisija za provođenje postupka javne nabavke je dana 11.11.2024. godine sačinila Zapisnik o pregledu i ocjeni ponuda i dala preporuku Gradonačelniku Grada Goražda da prihvati Konačnu ponudu ponuđača „Markan“ d.o.o. Goražde i da Ugovor o izvođenju radova na uređenju grada i prigradskih naselja Grada Goražde za 2024. godinu – MZ Goražde I (lot 1) dodjeli ponuđaču „Markan“ d.o.o. Goražde sa ponuđenom konačnom cijenom ponude u iznosu od 31.460,32 KM bez uračunatog PDV-a.

Preporuka Komisije je od strane Gradonačelnika Grada Goražde prihvaćena i dana 14.11.2024. godine je donesena Odluka o prihvatanju Konačne ponude ponuđača „Markan“ d.o.o. Goražde koja je dostavljena za lot 1 – Nabavka radova na uređenju grada i prigradskih naselja Grada Goražda za 2024. godinu – MZ Gožde I. Tačkom IV navedene Odluke je određena obaveza ponuđaču “Markan” d.o.o. Goražde da prije popisivanja ugovora, u roku od 5 dana od dana zaprimanja obavještenja o rezultatima postupka dostavi ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama koji su zahtjevani tačkom 4.2. tenderske dokumentacije.

Ponuđač „Markan“ d.o.o. Goražde je dana 20.11.2024. godine zaprimio gore navedenu Odluku ugovornog organa.

Na protokol ugovrnog organa je dana 27.11.2024. godine od strane ponuđača „Markan“ d.o.o. Goražde dostavljeni određeni dokumenti o ispunjavanju uslova iz člana 45. Zakona i to:

1. Potvrda Općinskog suda u Goraždu broj 045-0-Reg-Z-24-000 385 od 26.11.2024. godine;
2. Uvjerenje Uprave za indirektno oporezivanje – Regionalni centar sarajevo broj 02/6/II-16-11-20-13150/24 od 14.10.2024. godine;
3. Uvjerenje Kantonalnog poreznog ureda-Porezna ispostava Goražde broj 13-5/1-12-5-3896-1/2024 od 17.07.2024. godine;
4. Zahtjev za izdavanje uvjerenja upućen Sudu BiH putem e-pošte od 27.11.2024. godine;
5. Uvjerenje Općinskog suda u Goraždu broj 45 0 kr 994 24 od 27.11.2024. godine.

Nakon uvida u dostavljene dokumente utvrđeno je da su isti dostavljeni po isteku roka od 5 dana od dana prijema Odluke o rezultatima postupka nabavke koji rok je istekao 26.11.2024. godine; Također je utvrđeno da dostavljeni dokumenti nisu u skladu sa zahtjevima ugovornog organa koji su navedeni u tački 4.2. tenderske dokumentacije - Dokazi koji se zahtijevaju (lična sposobnost). Naime, utvrđeno je da

1. Potvrda Općinskog suda u Goraždu navedena pod rednim broj 1. nije datumski vezana za period dostavljanja Zahtjeva za učešće odnosno davanja Izjave ponuđača o ispunjavanju uslova iz člana 45. Zakona;
2. Nije dostavljeno Uvjerenje Suda BiH kojim se dokazuje da ponuđaču nije u krivičnom postupku izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, kako je to predviđeno tačkom 4.2.3. tenderske dokumentacije;
3. Uvjerenje Općinskog suda u Goraždu koje je navedeno pod rednim brojem 5. glasi na fizičko lice, a ne na kandidata/ponuđača „Markan“ d.o.o. Goražde i u istom nisu navedena krivična djela kako je to predviđeno tačkom 4.2.2. pod a) tenderske dokumentacije.

Shodno gore navedenom ponuda ponuđača „Markan“ d.o.o. Goražde se ne može smatrati prihvatljivom za ugovorni organ pa je u skladu sa članom 68. stav (2) tačka d. Zakona o javnim nabavkama donesena odluka kao u dispozitivu.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje URŽ putem ugovornog organa u pisanoj formi direktno, elektronskim putem ili preporučenom poštanskom pošiljkom, u najmanje tri primjerka, zajedno sa dokazom o uplati naknade za pokretanje žalbenog postupka.



DOSTAVLJENO:

1. Služba za investicije, LER i upravljanje imovinom - Odsjek za JN
2. Služba za urbanizam, prostorno uređenje i komunalne poslove
3. Služba za privredu i finansije
4. U dosije
5. a/a